


Делкәд түрүн болгч Газрин советск

искусственн дахуль



Газрин советск негдгч искусствени дахуль тәвснл нерәдлж Москвд т а в г д х бумблвин проект.

Диг джил хооран—1957 джилин октябрин 4-д Газрин советск негдгч дахуль тәвсн йовдл—орчлнъгин тавн түвд ончта сонън зәнъг болдж тарла. Научн-шинджлгәнә институтсин болн конструкторск бюросин кесн ик гидг кәдлмшин ашд, Газрин түрүн искусствени дахуль мана орн-нутгт нарт делкәд түрүн болдж келгдсн. Газрин советск искусствени түрүн дахуль тәвлгән—орсин алдр номт К. Э. Циолковскийин сургъмджсин негинь кұцәлгән болдж гарв.

Искусствени дахуль тәвлгән сән кұцвртәгъяр кегдсн

учрар, газрин туст болн космическ агъун туст мана медрл делгрлгънд шин цагин эргц секгдәд, нарт делкән наукин болн культурин делгрлтд әвртә ик дем кұрглгән болдж тохрв.

Нарт делкән наукад түрүн орм әзлх тәриг мана советск наук, Коммунистическ парт тасрхан уга дәнъгд, ишкдл болгъяр уралан йовдж кұцәлж йовна.

1957 джилин ноябрин 3-д улм сән научн аппаратсар агсгдсн, планетс хоорнд нислгәнд әмд агърусн ямаран кевәр йовхиг шинджлх аргъ өггч, Газрин советск хойрдгч дахуль тәвгдсн.

Газрин советск гурвдгч дахуль 1958 джилин майин 15-д делкән агъуд өбдлдж, залсн эргцин хаалгәд кұрв.

Газрин советск гурвдгч дахуль гисн—мел ундән эврән бийин заядар кәллдг бүкк научн станц мән. Дахуль ик болсн учрар, научн шинджлгә кех олн-зүсн аппаратс терүнд багтадж тәвх ар учрав.

Газрин советск искусствени дахульсар пуг орн-нутгудт ик гидгяр сонъмсцхәв. Альд болв чигн эн йовдлиг—советск олн-әмтнә ик диилвр гидж унлцхәв. Шин дәәнә әәмшгин өмнәс, тәвкнүн болн кұмн әмтнә хұв-кишгин тәлә ноолддж йовх нарт делкән олн сай унн седклтә улс, советск наукин болн техникин кұцлтәр бахта ханлт кеджәнә.